



志壑堂集

二

和 18
1.080
2



門和16
卷1080
卷2



志壑堂詩集卷之一

登岱集

余已亥以前舊詠如環山亭稿廬嶽遊記及
長安諸什一夜起挑燈於酒壚邊盡焚之庚
戌奉諱以後益復無作故牢桑之役未有隻
字比聞故人安復曰王冰壺卒不能自持哭
之得數十首先大人服闋自癸丑登岱集以
後七八年復存稿其廢篋中及壁間映尾所
留以前詩又搜集別為卷皆高念東先生王
貽上侍讀方里居時所為刪正者今余年五
十老矣回憶雪鴻指爪雖未免有情狀而顧
景掩關應了靜業蟬嘶蛩吟尚復何為哉辛
酉二月吳山白鹿
泉亭唐夢賚自記

登岱同祖珍禪師

落木蕭森出虎谿諸方嗻嗻聽荒鷄籃輿迥出雲
霄上柱杖平臨滄海西野潤玉牲尊五嶽天高風
物擁三齊此行情負櫻桃節紅樹芳厓鳥亂啼
望裏天孫幾度過百年杖屨一高歌龜蒙山舞朝
三觀萊柞泉飛灌九河金簡舊函埋蔓草翠華新
路補雲蘿茂陵見說初成賦望幸東來事若何
青帝巍峩有舊祠碧霞宮館颯靈旗經春簫鼓寒
山動向晚旌幢落日低守道講臺雲漠漠少厓書
院草離離天門極目多惆悵濁酒徘徊欲暮時

三生支許約同登瓢笠雖閒尚讓僧削壁有松皆
偃蹇危峯何石不峻嶒攜來白嶽無雙士親到銀
宮第幾層絕頂方知塵世遠一龕暢好伴南能

黃華洞題壁

何方幽磬出烟蘿下界鳴泉古木多已上罡風穿
碧落更臨星斗問銀河麻姑不爲方平集童女應
從徐福過指爪未能尋葬地先留醉墨占巖阿

宿普照蘭若贈死菴

死菴暢好居蒿里不唱人間薤露歌青社無如東

嶽好白雲何似北山多
新知看竹迷蕭寺
舊約聽泉過
薜蘿此地由來苛
政猛燒猪漉酒湯婆娑

泰山歌

泰山差勝長白耳
坡陁何曾四十里
翠輦不來御路殘
五松已老大
夫死吳門匹練事
荒唐秦碣穹窿無
道理後人割磨昔
人碑開山鑿破青
山址願酌北斗倒
銀河淨洗乾坤歸
其始

看日出歌

日觀峯頭看日出
聞鷄蹴起不暇沐
凌空一杖坐

單椒但見閭闔深
鎖雲填谷此時羲
和睡正酣龍宮高
挂扶桑轂少時海
東散微霞山腳明
河如拖玉赤城爛
熳色漸驕粘天橫
練千層綠同遊大
叫真奇絕朱鏡誰
家忽出匱一時倏
變珊瑚鈎噴焰三
角紅髻感此時只
在平地白雲中卻
隔海天尺五六須
臾全現丹砂盤虞
淵一躍湧天腹昔
年看日一勞山海
涯更覺駭心目白
榆歷落晃銀灣寶
柱一道搖金燭蜃
城隱見經幾時回
頭兩度開黃菊少
壯幾何白髮催東
望再拜申微囑總
此乾坤

無盡時六龍飛轡何必速何不紮縛三足鳥高縮
天樞膠地軸一輪便碾三萬年掉鞅蘇門誰拘束
胡爲乎奔馳若木又咸池叱馭晨昏空碌碌

鳳翔岡放歌

泰山日暮山椒宿列峯別殿何轟轟碧瓦朱甍勢
湧波蒼苔鑿破神靈哭好山惟有鳳翔岡猶存岱
宗真面目此地舊名捨身臺所以無人敢結屋銀
河縹渺繫山腰青巘嶙峋插山足白石欄遮萬仞
崖寒松翠蔭千迴谷星精磊落墜天關鬼斧芙蓉

削地軸秦觀日觀空名耳豈有屠狗賣菜者猷磬
敢將上帝瀆不知七十二君當日登封到此無母
寧埋玉告升中覲后勤民禮已足不朕柳栗坐空
山瞑朕入定慊幽獨

普照寺和珍公韻

尚平早歲辦青鞋未挂三衣願已乖百道鳴泉千
箇竹何山爪髮不堪埋
石橋霜徑與林通古屋寒烟禮大雄嶺外人家三
萬戶不知支遁住雲中

雜興五首效馮易齋先生用舊韻

古帙人已朽，斲輪啜其汁。至味不在書，如水之能濕。展卷見古人，浩狀期自得。掩關遠市廛，輪蹄一何急。宴坐遊八極，篆煙起寶鴨。青杏黃公壚，煮酒香浸幕。昨日入東山，山櫻已俱赤。林密春禽鳴，泉流盤石白。俯身攀古洞，蔓蘿牽吾幘。回首緇塵間，能令知者泣。林花發有時，璧月寧無缺。茆亭水樹支，據岸對嘉客。况復多道流，莫厭終宵集。自冬及春雨，艱貴侔金汁。不願丹砂成，但願阡陌

濕。卽今瞻四郊，麥秋竟何得。山國十餘年，無如此歲急。隱憂在空倉，餘粒惜豚鴨。端坐望雲漢，不忍發尊幕。有客北方來，聞道千里赤。天意不可知，民瘼宜早白。年來休養功，家纔完衣幘。剡瘡供官糧，猶同隣里泣。豈堪春夏交，坐見饗殮缺。何況禁網間，時時有暴客。杞人誠何知，無端千慮集。歲月習清齋，入口怪麴汁。雖云暢榮衛，畢竟傷胃濕。微醺憶堯夫，自計聊云得。休糧卽未能，此物誠何急。矧以口腹微，無故災鷄鴨。畢命在刀砧，椒馨

志齋堂詩集 卷之一 五
透蒸羃擊鷗岩穴驚投網水族赤我昔遊海上螺
殼如山白何似籬落間飛啄鳴絳幘但恣七箸歡
不聞造物泣試參玉版禪盤餐亦無缺奈何輕殺
業溲云供賓客慎哉命庖厨寃重百疴集

田家供天儲粒粒皆血汁饋餉起千艘汲水添江
濕海上垂多緡罪鯨何日得廟謀三十年觀成此
時急豈無懸瓠城雪夜亂鵝鴨咄哉師武臣滅此
後發羃凱歌露布稀徵餉羽書赤以海而攻海此
策人曾白繞朝祝緩征大農憂脫幘飽騰近何爲

徒令農夫泣金城十二策屯戰食無缺軍不自食
力主兵反爲客豈有緩帶者坐看輪輓集

猾吏職筦庫鼎沃函牛汁司鑰巢穴之漏卮不覺
濕剗新以補舊彌縫計亦得一朝行借支無怪其
窘急大者攫蒼鷹小者飼欄鴨雲厨支空釜不堪
揭其羃借支舊有餘其如雙手赤祇對且模稜聊
以免曳白如彼髡首者憚人脫乃幘畢竟恃新支
但飲窮簷泣否則襟肘間度支能無缺慎哉守倉
庾但宐如過客桑孔長子孫致使雀鼠集

志壑堂詩集卷之二
錦湖白嶽集
泛錦秋湖
十載雲湖繫客思
秋風短棹尚嫌遲
東山小草終何濟
西塞桃花定幾時
種樹擬遮紅蓼岸
買歌新製竹枝詞
名香清磬無餘事
高枕蘭橈信所之
垂老林泉計始成
誰能塵市了餘生
將營山水爲三窟
須護丹砂當五城
廬嶽爭如長白遠
瀟湘何似錦秋清
卜居應號黃冠子
拚與乾坤一葉輕

志壑堂詩集卷之二

錦湖白嶽集

泛錦秋湖

十載雲湖繫客思
秋風短棹尚嫌遲
東山小草終何濟
西塞桃花定幾時
種樹擬遮紅蓼岸
買歌新製竹枝詞
名香清磬無餘事
高枕蘭橈信所之
垂老林泉計始成
誰能塵市了餘生
將營山水爲三窟
須護丹砂當五城
廬嶽爭如長白遠
瀟湘何似錦秋清
卜居應號黃冠子
拚與乾坤一葉輕

落盡紅衣唱采蓮
菰蒲漠漠碧連天
隣舟借問無魚賣
知是南村放鴨船

漁家結屋列芳洲
水盡南雲散菜疇
他日誅茅三畝地
柳陰須起望湖樓

將弔王西樵卽泛舟湖上小憇陽春館中聞

劉嶧巖家梨園吹笛 時嶧巖亦歿

漁舟歌發蓼花時
策策西風掠鬢絲
跨鶴不聞高士駕
炙鷄動與故人辭
門開白嶽如懸畫
案拍紅牙且罷詩
對此莞然還一喟
諸公誰復起題詞

湖上紅衣搖落時
扁舟偶爾憶尊絲
等閒綠鏡窺人老
多少朱顏與世辭
南國銷香聊命酒
西山潑翠正催詩
歌兒莫燙吹長笛
入榜分明是楚詞

念東先生招飲官壩泛舟時呂奉陽使至

揮手浮雲號笠翁
扁舟移在萬山中
風物自經先輩異
溪光每與後生同
路窮林屋橫前浦
水轉峯陰落近叢
何處正來雙羽士
小槎疑泛斗牛宮
萬事今休問釣翁
生涯樵唱櫓聲中
嘗懷彭蠡石鐘好
畧與秦淮古渡同
波皺綠鷗雙落落
溪清紅

蓼一叢叢溪林隱見何人屋可是吳宮是楚宮
朱顏彈指一衰翁回首晨鷄暮鼓中世味似逢山
客換道心但許酒人同關情歲尾蛇臨壑問偈堂
頭鳥入叢且喜純陽新有約猶煩料理梵王宮
偶爾論交無是翁奇書草就出懷中管城毛子爲
何甚烏有先生將母同鍵戶方銷紫府課登山定
見菊花叢皇姑菴上吹笙好舊是當年弄玉宮

小築傍王肩望先生故居

僻巷曾隣贄世翁傳聞只在野花中數遷繭室疑

難定新築蝸廬制欲同小闢方塘六七尺旋栽修
竹兩三叢爐香清磬闌干外笑似黃冠斗姥宮

邑志成有感

從來四十已稱翁短鬢蕭騷綠鏡中舊友淒涼猶
我在古人檢點與誰同驚心白骨空高臥過眼黃
花耐晚叢碧海石龕留舊室微名何必祀黷宮
浩歌中夜廢晨餐入世何如出世難萬事祇今惟
瓦注百年何物讓金丹元公見獵心猶在迦葉聞
琴舞又歡試看鶴歸華表後秋風秋草逼人寒

候仙園銷夏

習靜閒園入夏時長林支枕正相宜酒因試藥開
封早棋爲侵邊落子遲後禁方傳海藏囊中丹
訣授仙師園丁雨歇欣狀報水漲南溪已滿陂
格物儒家見每遲光明寂照那能私風前蟬奏同
心調雨後蛙鳴得意詩白鳥橫空烟樹裏青山撲
翠夕陽時行歌洛水當年事造化囉囉問小兒
直下無私亦大奇入門端以信爲師鏡臺勤拭時
何盡窠臼掀翻事已遲豈是不真原未成浪云曾

悟早成迷等閒勘破偷心在白骨青山湧自疑

張歷友見貽將入白嶽之作奉荅

學道不及時攬鏡青髮白浩蕩乾坤中駐顏無良
策畢竟五嶽雲不改千年碧人生卽尚平能着幾
兩屐吾家長白山橫亘烟鬟隔不見范秀才鹽粥
常托迹剝啄鎮相關幼安應割席高臥亦良佳寧
必注仙籍芳艸萋幽塘聊可永朝夕白社憶遠公
宗雷風云寂何妨禮瞿曇鐘餘惟面壁一日此跌
脚三生滌塵積崑崙有山人咄嗟賦行役如鶴唳

九臯俗累乃冰釋于世非羊求虞夏吾安適梵唄
與書聲何期對嘉客流水咽危崖蔓蘿施嵌石單
椒望錦秋漫漫雲夢澤跬步而失之此生一可惜
魚遊與淵謀鳥棲與木擇安事五侯鯖已收十斛
麥坐嘯亦行歌披襟復脫幘有時偃北窓涼颼何
械械有時拂丹厓吐句鳴泉瀉服食劬黃精辟穀
啖紫柏金珀及朱苓千歲結松魄九還就鉛鑪三
車引鹿春相對坐吹笙霞舉一何易西州問北邙
臨風徒惻惻貧子而衣珠匹夫而懷璧嗟哉進賢

冠呵殿手可炙南畝箬笠寒東市朝衣逼太息念
少年雙輪一何迫張子千里駒閉戶探史冊錦帆
破長風大業良難測余病已倦遊駕言依古德便
當問招提三徑爲子闢

范文正公書堂和祖珍禪師韻

故園十載願多違丘壑當歸只不歸脩雨杖添青
箬笠凌風囊括綠荷衣化爲蝴蝶身猶累誤入邯
鄲夢亦非放屐千峯雙眼豁新晴何岫不巍巍
麋鹿逢迎禮法踈尋幽孤往罷躊躕柴桑村裏來

同社彌勒龕中賦卜居密樹丹厓深障暑鳴泉屋
角遠通厨白雲飛去山光翠瀑布閒看挂雨餘

書堂留別

朝辭流水下遙岑回首烟蘿路已深削壁巍如高
士立寒潭清見道人心到來一示青蓮偈歸去聊
爲白嶽吟欲逐法幢宣妙諦菊花兩鬢與誰簪

黃花山寺

閒來白嶽足幽尋路入黃花寺更深灌木章章圍
綠圃石泉灑灑破烟林野餐麥飯僧能具客坐柳

冠懶不簪稍待祇園金埒地攜琴一聽水龍吟

白嶽十二景和祖公

幼安初割席挂帽海東頭驅將雷雨部來護法土
遊龍頭嶺

年旣老不衰幼好此奇冠攬德輝而下試將丹鳳
看鳳冠岩

徐福故遊仙鞭橋操尺策穀城有老人化作支機
石騎天石

虬藤張翠幕四虛曷無著覓空不可得問汝爲誰

縛縛空藤

雨後山泉壯斜陽萬道明古人無所似水比古人

清 清水澗

峩峩白嶽路斑駁綉成堆白雲原有約倦住碧山

隈 白雲隈

岩花與林鳥相對話無生美人不可見稽首黛螺

青 千佛頂

雲林未可極尋幽得此路鐘鼓報新晴多少行人

度 百花橋

山秀白雲外此壁與雲齊去天惟尺五凡夫莫浪

題 留題壁

不勞乘赤鯉飛去踏東瀛諸君但趺跏足下看雲

生 會仙臺

不鑿亦不發淵淵涵古井山人莫深汲味與瑤池

等 鷺子井

山居畫粥時臣門清如水大旱化為霖臣心嘗如

是 范公泉

抵白雲精舍有感

菴齋新住碧山中鳥道裴回草又封漫說息肩歸
去好杖頭辛苦幾千重

口號

眠起閒行亦偶朕坐來支杖爲晴川奚童莫採林
花去驚醒山麋子母眠

出山示亦雲及家弟涼武

鐘鼓空山意思新芒鞋雨後恰無塵五更下腳羊
腸路記取懸燈蕭寺心

卽事

逼歲山城類僻村蕭閒更囑掩柴門吟餘不覺醺
三爵稅畢猶能富一緡烘榻煖如人共臥攤書奇
似客同言六橋多恐風寒甚襍被荆吳且漫論

偶興

興來萬里便巾車蛾繭糾纏詎有涯三竺鐵鞋催
暮鼓六朝蘭棹聽寒鴉閉身翻喜徵輸早鄉事微
嫌絮酒奢高唱驪歌堪一笑鶴亭迢遞爲梅花

載酒堂卽事

柳塘經過鳥先知枕簟頻隨去每遲嵐氣曉侵鬢

嶺出夕陽樹壓女牆低草堂近郭空呼釀水國深
林待奕棋常造鹿門無主客花開更不費招攜

祈雨茶話

荷笠先傳樵客知蝸居如甌出休遲城陰黃鳥穿
林早驢背青帘過市低偶爾清齋堪嘆雨無端高
詠憶圍棋只愁十日淫霖苦雙螭朋尊欲自攜

醴泉寺用韓退之南谿韻

豹山之曲層巒裏北望長白入翠微柱礎占雨甕
菴濕不如山髻青練飛雲旗旆旆雷師走頃刻灌

我禾稼肥山陰范子讀書屋屋與此山稱兩稀至
今丘壑閉關者埋金寧肯耽朝飢此公鼎彝今已
矣哀泉梵月關僧扉昨日遊山卧道閣龍鱗老樹
大十圍臨階活水聲泠泠當窓松影雲霏霏雨後
瀟湘屏十二菜畦遙挂水田衣攢眉白社不可住
夕陽西下連征鞵藤蘿彌谷榭陰合蓆帽吟鞭何
處歸

精

人十... 矣... 今... 不...

志壑堂詩集卷之三

好乙卯丙辰集

外天乙卯臘日初度

老至猶存故態無行年五十杖初扶狂心頓歇由

知命世味深嘗解愛軀花塢論功加九錫酒壘傳

法覆三都藥王更賜長生訣準擬春風病骨蘇

臘日宿山村將過友人不果

荒鷄三唱日高眠負郭人家好時田納稅勞如精

衛海會喪勤似善財禪詩教胥史文無害酒恐賓

志齋堂詩集 卷之三
朋數不鮮驟雨殘冬風景異燒燈轉轂又新年
雪中行會葬孟武昌
塵骨瑤池會亦難金仙移向雪山看誰知江嶺梅
花發暢好籃輿絮酒寒驢背高吟懷鄭縈草堂酷
臥笑袁安還憐韋偃無才思粉繪鶯溪絹幾端
與念東先生宿村墅
畏天克已是吾師王翰東隣舊鳳池細草如茵攜
杖日棠花有讖鎖園時鼎鐘不願頻沽酒蜀洛無
關偶奕棋曳履歸來松徑晚五更擁被卧吟詩

感興

高明且住淚如河浪靜風平看釣蓑奕罷只愁鬚
鬢改哭殘盡覺鬪髀多終聞漢寢流金盃豈有平
泉守舊柯一自杞人愁欲絕不周山更鬱嗟哉
有鬻其父已塋之墳者感賦
蓋棺論定是閒詞入土爲安不可知盡道漢陵金
盃出人間亦有賣墳兒

立春日一事在鄉

青皇有信彩鸞回簫鼓東郊細細催社事不辭歸

去晚着鞭猶及見春來

驢駝轎

少年裘帶喜揚揚，巨浪長風未可量。一自少游乘
下澤，不教伯樂顧飛黃。雲帆烏榜愁江國，珠服人
車憶夏王。如此臥遊良不惡，杖藜緩步更徜徉。
塵尾轅車別有緣，高軒峩峩總徒然。人雖四壁圖
書在，法但三章枕簟全。垂下風簾行繭室，拋殘烟
棹蹶梭船。驢肩一樣吟鞭苦，妬煞山谿跂足眠。

丙辰端陽後二日喜雨

播種誰問天，亦知請看靈。雨麥秋時麥，雖爛賤猶
宐麩。雨後清涼正可棋，伯仲竹梢催過檻。參差荷
葉報平池，漫愁粟死難完稅。種豆山村事未遲，
十日芙蕖計必開。或應載酒有人來，趨宗笋更生
麟子。得道花能結聖胎，雨尚披簑臨小逕。晴當賭
奕上高臺，端陽已見花多葉。珍重蓮池宐早栽。

和念東先生閒居

江淹才盡賦難工，豈有文章解送窮。敬仲何書長
五霸，計狀無策救三空。金生廩竭春糧後，市賤愁

添麥雨中海運未開官稅重縉紳貧不過山東
蕩家不計稅全輸但祝牀頭剩一壺平仲近屢金
最貴彛中滴淚病難蘇三時播種租猶欠一日閭
閻氣頓殊身在江湖心魏闕先生早上監門圖
昨夜閒園踈雨過起看曉暹綠如何青萍貼水魚
傾蓋紫燕將泥鳥和歌四美具時飛玉罕三關轉
後倒銀河龐公舊有襄陽約已擬全家住薜蘿

贈霍劍寒憲副

幾年剪燭夜譚雄杯酌真聞保障功禁旅於今煩

四出良謀何以策三空黃河雨歇桃花後嵩少峯
高梵唄中悵望梁園休作賦先生檠戟太行東

寄莊靜菴學憲

黃金臺畔承明廬鄒枚年少顏如珠燈夕雪夜共
歡娛錦瑟倚歌銀鑿落寶鈿扶醉紅氍毹當時只
信春如海不道星霜髮頓殊人生遭遇偶朕耳秋
風江上鱸魚美十載爲郎楊子雲三喪已葬石學
士炙鷄真見古人風區區陳雷徒爲爾使星高焰
洛河清文愜遙攀嵩少起先生逸興定何如山中

六卷詩集 卷之三
之人今老矣辟穀方從赤松子

苦熱行

長夏多少登途子赤日蹴踏紅塵裏長亭短亭夕
焰急手輓輓輅不能止又有輿夫官驛中怒騎鞭
撻過城市火龍吐焰勢燠天千山萬山無窮已綠
樹涼如銷夏灣清泉渴似新豐里長途重擔一息
肩岸噴風來大歡喜更有囹圄三木人蚊蚋攢吸
血沒趾癢不得搔飢不食未知春夏何時是世間
苦樂本無涯水榭冰幙熱欲死休遣許汜臥小牀

細思其言甚有理樹影東時吾亦東子勿復言吾
涼矣

上桐城先生

持籌管晏定何言憂國端宜講利源白石燒丹方
不驗青天雨粟話無根製錢可奈銅坑貴添賦其
如銀穴尊穀賤三農生計盡惟應鑄鈔可深論

寄懷郝復陽侍御

賈傳昔垂淚鬼方今不庭雄藩當跋扈主爵正調
停已戰秦關勝休辭鐵嶺行巴山剪燭話歸夜與

誰聽

愁絕盧龍塞烏號不可攀檻車辭帝闕水窖識

天顏有道金鷄赦無家遼鶴還敢同班定遠生入

玉門關

塞雪渾如掌春風拂凍枝豈緣楊得意自有魏無

知謂環極先生宣室臨軒日淮南出陣時鄴侯勞轉餉

決勝在龍墀

重集栖烏府酬恩事若何唐城溪與衍雪浪石嗟

峨諭蜀懷司馬屯邊憶伏波臯魚無限恨掃墓一

悲歌

射虎南山下曾同管幼安兒前指泰岱吉津先生自叙有此

事酒後說邯鄲皂帽君門遠繡衣蜀道難桑乾回

首望莫負惠文冠

梵志非前日離羣不記年性從黃蘗悟謂剩師道得

紫陽傳瓊海文偏勝夔門賦更妍一樽酒不易惠

我入關篇

侯霸癡猶故公何似舊時山窓客傲藤林屋把深

卮浮世驚還在行年過始知幾從驢背上細與說

新詩

武惠臨城病賢於十萬兵蕩平關廟筭疆域繫民生轉對輪何日慰宣誥已行郝隆知大畧章奏滿
樵耕 五六指公近疏

季夏雜咏

九重肝食此何時罷酒閒人尚奕棋藝黍田家終
歲樂種桃道士隔年痴琴中迦葉消前業吳下阿
蒙竄舊詩掩卷楞嚴穿小逕豆花紅紫上踈籬
雨餘暑過廢晨興布幔絺衣獨曲肱添稅傾家慚

卜式懸錢計日愧何曾飲醇近婦毫無味譚劍遊
仙百不能案上蠹魚梁上燕勿煩剪髮已如僧
蘸筆清池洗硯田笑辭磨蝎已無緣桐陰棲鳳三
珠樹蕉葉回鸞十錦箋文任虞卿貧更拙書非草
聖老能顛皮毛脫落微聞道不向嚴平更問天
竹陰雨後長莓苔長夏松關亦快哉青吏可憐西
向笑黃金難買北風來勞人無望神仙窟褐父生
辭旨酒杯萬寶告成吾事足休嗔租吏扃門催
月明鐘鼓報更殘雨霽蓬窓起夜寒蚊效蚩尤風

志齋堂詩集 卷之三
七
破陣樹開蘭若鳥安單天街初轉跣趺坐銀渚頻
移欹枕看濁世未能拔宅去浩朕香露誦倚蘭

六日雨

齋罷濃雲壓午天銀河更欲散鳴泉客來作黍停
車轍輿到觀濤躍馬鞭綠逕苔催鋪地錦紅籬風
發轉枝蓮長竿犢鼻晴陽後聊免人嘲邊孝先

月來

負手高臺玩列星月來林影下空庭髮如老鶴翎
先白山似紋螺髻獨青了不異人出世法未能免

俗衛生經形神俱妙渾閒話幾見紅塵過百齡

過念東先生東池荷花開有百枝視小齋盆

洛渺如矣有賦

布蓋青騾漫出遊幾時不過百花洲三千翠黛臨
歌浦十二朱簾捲畫樓別苑祇堪紅勒帛小巫莫
唱錦纏頭采菱舟說江湖濶昨夜郎主氣已收

傅家灣上將爲菟裘使吾老焉

感嘆吾生本有涯誰能築塢便爲家享堂濶不容
千馬酹酒寒難醉九霞上塚哀猿三峽淚守園棠

元龜堂詩集 卷之三
八
棣五侯花何人葬我林泉好莫信青烏龍虎砂

浴西河遇雨

清沙白石浴長河暑雨年年隔轍多田父遙占山
戴帽牧童坐逐鳥遷窠黑雲五嶽連天起濁浪三
江拍岸過緩步莫愁急雨至道人常服本青囊

無事

花開池館一婆娑無事君胡不嘯歌齋署過勞朝
運甓郊原太苦遠從戈醉鄉樂比畱晨肇遊政奇
如見橐駝雨後北窓且料理竹牀瓦枕對南柯

浴

安得清流過此生茆亭綠樹小船橫祇將沐浴銷
朱夏惟有酣眠當赤城坐見蓮池三婦艷忽聞蚊
陣一軍驚明年結屋償痴願定與閒鷗歛血盟

再疊前曾字韵

鯨鐘驚夢攬衣興世路誰堪再折肱大澤誤還憐
父老平泉痴不囑孫曾樽傾北海吾何與老補東
隅病未能鐵鑄九州真一鎔毘尼穩付在家僧

屋漏

志登堂詩集 卷之三
九
霑雨蕭齋事事奇
鐘聲短榻更淋漓
蟬魚老恐成龍去
社燕雛將赴海遲
學本空桑人五就
家隣孟母舍
三移牽蘿補屋
明朝課會記彭湖
夜泊時

雨

急雨連朝百慮清
虛廊屐齒試經行
寒窻竹亞檀欒影
僻巷門無剝啄聲
暑似鷄竿初放赦
人同鳩婦欲呼晴
却嫌芳草閒情思
一夜池塘太怒生

贈王東亭

已輕圭組更何思
長夏初逢雨霽時
較竹分矜圓

幾寸賞花細數放
多枝輸租以外無
難事學道于今重
鍊師好祝吟鞭休
徑去但承杖屨是
良期

同東亭至念東先生荷池上再用前韻

浮名爛熟百回思
莫負花明酒醞時
茆屋枕空支北牖
薰風荷正發南枝
仲初詞賦推詩伯
謝傅蕭閒號奕師
惟有酣眠陳處士
上清奉詔亦期期

立秋前一日再賦

流光轉轂去堪思
彈指金風玉露時
綾被初寒辭夏政
桐華將實繫秋枝
無情浪蝶如山鬼
不語殘

鶯似烏師曉閣淒
狀雲物異令人揮手憶安期

愁思

放懷未穩更愁思
最是糧添穀賤時
精衛原慙寧避海
鷓鴣奈小慮無枝
牢盆失計傷鹽策
砂汞何緣得導師
歲歲田租欣早畢
來春多恐悞徵期

為弟涼武置一莊
痴計買牛積穀而後歸之

從去秋納糧種麥
添牛未損及莊中
絲粒而穀日賤賦日增
矣繕冊交弟詩以志之
買莊會記小山成種
麥輸租異汝輕半載
持籌為

鬼笑一生執拗與天
爭經秋空許添黃犢
廢圃猶閒走赤氍
君物早還君自主
不妨挂角更春耕
時余

小山初成即
以莊山名之

遊心

鷹隼高飛動客思
倭絲不敵曉寒時
蓮衣搖落懷菰米
香板敲殘憶荔枝
范蠡才堪司酤市
邵平命合老園師
久閒蠟屐遊心起
禁旅新傳奏凱期

念東先生東池見招有作

䟽傳歸來酒政寬
黃金日日買清歡
平泉不作兒

志登堂詩集 卷之三
孫計世界原如缺陷看固有鏡湖歸賀監曾聞微
雨過蘇端敢云二老同時晚來往風流後正難

觀禾

牛蓑浩唱晚雲橫漸學觀心事事輕已覺胃衰妨
飲酒尚因餉急費謀生縞巾婦向松風飯翠岫人
連細雨耕可笑殘書還挂角荆川老去浪談兵

水紅花

閒窓除草太劬勞蘭芷猶懷賦楚騷雨後池塘增
浩蕩客來杖屨沒蓬蒿聽松預祝千年壽對菊惟

添九日豪何似水紅花爛熳一秋勢與竹爭高

送韓寧子之晉

寥泬高天放眼寬曲江詞賦壓征鞍伊川座上薰
風滿袁相樽前墮酒寒檝度孟門分浪湧鞭搖恒
嶽指秋殘此來絳帳傳詩義不唱離亭行路難

客有請予新竹駕荳花者爲解之

延蔓秋英壓竹斜酒對座客莫喧譁千年檜自成
龍樹百尺桐能吐鳳華籬落山齋經雨亂琅玕水
園入雲賒明春筍比焦園

石虹西園竹可拱把

大豈有黃緣

上野花

蹉跎

五十年前事蹉跎道力微酒闌傷醉惡棋罷悔爭
非茅屋黃花岸清泉白石扉鯨鐘今夢破鳥背夕
陽飛

卽事

挽回日月無奇策補爨乾坤有小功萍水挑將分
蘓綠盆花移取對顏紅小青箕下題詩在尚友齋
頭案史空架上何人新著述所論左傳似檀弓

七夕至望無日不雨

積雨連朝損稼禾夜闌茆屋泄清波人間畫棟看
生菌江上樓船定洗戈幾處乾封瞻白帝數時決
口塞黃河天關仁愛真難問好祝晴鳩仔細歌時關

中大旱黃
河口決

種樹

十年知命悟窮通悔不逃名種樹翁阿耨池真君
子國有巢氏乃大王風千頭橘柚圖新墅十畝芙
蓉守舊豐腰斧灌園林下事枳黃棠白野椒紅

輓韓崇安有聲 菊日桃亭兩置酒
崇安踪跡暫歸家感嘆浮生信有涯
幾日盤桓籬下酒數時離別雨
前茶新亭不作長生殿桃樹真
爲短命花此去雙鳧何處好
仙山香火武彝槎

買驢駝轎

竹咒穀賤費行糧欸段誰能老
此鄉塞上健兒偏走馬江間漁父
但鳴榔雙輪車碍聽泉路五兩鞋
穿說法堂惟有臥輿眠最穩驢
肩來往挂詩囊
過晉石兄慢坡小飲

高厓密樹覆長河幽事山人不在
多幾載香林爭結果一時綠逕盡
垂蘿匡牀置枕朝山臥石几題
詩挂笠歌况有青帘遮去路逢
君不飲更如何

秋

時序關心景物遷空齋雨歇更
蕭朕流螢明滅疎桐外促織淒
清洞閣邊紈扇委難存厚道桃
笙本意碍高眠世間百事同流
轉夏葛冬裘付與天

艾司寇長人先生輓詩

丙辰七夕前二日歿

生平慣賦墓門詩觸熱多緣無
好辭舊是故人宐

志齋堂詩集 卷之三
痛哭身爲逐客尚沾頤白榆墮地天難問烏鵲迎
神世不知莫信仙人多妄語橋邊賺煞帝王師
十年煨芋事如何畢竟名山志易訛黃閣掉頭終
寂寞青鞋撒手太蹉跎歐陽鞫獄心如在伯道憑
天恨獨多政府別來無隻字臨風聞笛一悲歌
乾坤逆旅漫悲傷直作遊仙去不妨歲在辰龍呼
起起灰如擒虎亦堂堂孔融尚有平原相黃憲宐
臨太尉喪屈指鳳池前輩少可能披髮下山陽
廬外曾臨絮酒寒窮交豈作等閒看封章激楚嘗

驚座宴語稀踈爲挂冠聽來哀夢千人廢畫就雲
臺百歲難頻見青門飄素旄九原曳屨定清歡

苗家窩至郝家莊諸泉

雨餘度壑聽潺湲一夏山城近掩關澗樹經秋浮
岸長鳴泉出谷灌畦還匡廬三疊石坪下明聖諸
峯天竺閒久矣菟裘占此地便來銷夏亦銀灣
溪村蓊鬱大林開特爲看泉騎馬來瀑布移時停
杖屨石龕隨意卧莓苔書生意氣逢多慨漁父聰
明見每猜須信山人幽興發偶朕去住總無懷

感賦
皮毛脫落見吾真快意從來屬禍因誰道元城推
鐵漢祇空敬叔祀金人喚巖卻得康莊路冰雪翻
爲浩蕩春阮藉無端窮便哭一生坎壈荷天仁

讀史有感

茫茫世事鐵山圍紫闥清泉計孰非殿上笑談關
性命樽前媚嫵怨宮闈天寒旅雁飛常急漏盡蓮
燈浩不歸興發還思牽獵犬幾回肯老釣魚磯

曉起

年去愁非笑亦非悠悠持此欲安歸老思霞舉惟
仙授壯志澄清與世違伏櫪馬嘶青陌懶下鞵鷹
倦赤霄飛人間剩有長春訣忍負清泉白石磯
田家老屋結烟蘿坐便啣盃行便歌樵父逢人無
冷煖瓦盆釀酒似淮河金階罷相知交少油幕從
軍感慨多借問紅塵車馬客回看巖穴較如何

小臺築屋念東先生額曰洞閣飲次和張歷

豹岳鎮日不開關高閣危欄與共攀雅樂奏空臨

志靈堂詩集 卷之三
夾谷酒杯寬可對 費山麥當播種千倉罄農入秋
成百務閒憂樂無聞長白近憑將藿粥駐朱顏

觀奕時鄉隣有鬪者

由來知足近神仙 剝啄何緣破晝眠 蝸角蠻爭聲
動地蟻封虎鬪血滔天 樹陰不厭韓持國 聊矢頻
煩魯仲連 除卻休心無別法 逢人一味老婆禪

訪先輩習靜山中

道人有分識金沙 丹竈新成枕水涯 陶令栽花原
未仕 龐公採藥卻辭家長春 觀裏知隣近 枯木堂

前怕路又怪 煞青門垂綬客不來 謁選煉黃芽
人間歌笑日紛紛 到處山分一笠雲 爭怪嬋娟開
後閣 生憐將相起高墳 鼎中藥熟身長泰 物外仙
多世不聞笙鶴 倘臨休徑別我來 瓢酌欲隨君

山王莊道中和念東先生時重陽前一日

野廟秋風鎖水涯 前車又復過山家 驚看岸斷真
千尺不信詩成便 八叉磴道轉時山 與衍泉流溪
處水橫斜 祇宜拄杖從容去 處處開樽對菊花
青山疊疊水湯湯 僑寓山家醉不妨 自是采真逢

阮肇便勞留客罵商鞅無煩主婦雙尊酒但借隣
翁四腳牀曉坐九霄雲霧盡可知天意為重陽
暫放蒲團卧水涯欲投宿處問人家千巖瀑布琴
三疊百衲雲山畫一又茆舍不驚漁父過吟鞭細
數雁行斜預愁明日芳樽晚此夕先簪兩鬢花

有贈

客自登高獨下簾定中性海焰淵湛藥王煉就葫
蘆頂龍女轟開霹靂尖不盡流泉穿翠壁何妨竹
樹挂青帘神仙遊戲原無碍試看人間劉海蟾
葫蘆

頂霹靂尖皆
此地山名

途中聞孫樹百給諫至

十年作賦憶長楊瑣闥新銜出建章殿上論時追
董賈囊中啓事問豺狼吟鞭落照孤鴻外市酒晴
雲古驛傷回首江鄉青雀舫故園明日恰重陽

秋行偶興

閒蓑莫遣素心違豈易清時靜掩扉禽尚偏無婚
嫁累杜陵全借諫章歸謀生拙任塵緣薄避世堅
因學力微白石潭深紅蓼老呼童淨掃釣魚磯

重陽後韓燕翼邀遊回路峪

山溪樵牧放歌喧細菊垂崖香正繁秋日蕭閒空
杖屨故人清興在琴樽稚川福地仙皆集文正名
泉道自尊短策西風時失笑遊仙忙似謁金門山為

范文正讀書處道書七十二福地之一

久於副嶽失寒暄到此依朕霜樹繁彌勒昔時容
臥榻柴桑經夏廢清樽罡風直逼黃花老妙藥難
逢白兔尊蕭寺崔嵬須再到禪牀着句賭山門余頻

年在山習靜寺僧戒律至嚴

錦秋長白兩奇觀對此襟懷每悵朕錦水有舟皆
舴艋白山無地着吟鞭已知別墅藏丘壑定有幽
人製畫船明歲結茆來副嶽棹歌齊去採紅蓮
僻地由來讓佛陀瞿曇祇合老岩阿林泉自昔歸
王謝塔廟如今長薜蘿嘗到二勞持此議惟餘三
島不曾過肅朕端屬秋堂好莫信名山僧占多
醴泉畢竟藉明禪寄語僧隨切莫嗔入手池塘三
峽遠開門霜樹一堂春黃花寺古晴雲煖綠柳菴
溪樵舍隣更上摩訶孤頂住經行曠望豁禪人

登摩訶東峯

單椒久坐不聞笙依舊從容策杖行細草眠餘留

兔窟懸厓墮處起雷鳴長蘇興發先賓客時念東先生賈

勇先古栗年淡見弟兄山中有張華東先生古栗

登輒呼為栗此後登臨添故事轆轤奇計繼陰平

回路峪畱別韓燕翼鮑夏生諸公

秋亭回望綠雲圍紅樹驚看一葉飛得句常愁樵

牧走射生且放兔狐肥車中黛色行還住枕上泉

聲夢不違畱語諸公當奕戰斧柯未爛慎無歸

小春掃先墓見有攜其祭具醉臥道傍者

處處青山哭白楊人間啼笑總茫茫愁來霜露清

齋減話到興亡痛飲長前歲鶯兒遷別樹舊家燕

子換空梁九泉一滴真難問祭畢何妨醉道傍

黃葉西風野哭喧紛紛祭榼過山村兒童膜拜承

荒草女婦焚香掃墓門碑版麗牲霜後淚紙錢延

燒暮來昏茫茫天地渾如此感嘆歸來盡一樽

窮秦嶽以北諸山

巾車日日賦閑遊縮地乾坤小十洲竹杖高懸新

蠟屐鷄聲起舞舊羊裘橫穿嶽背無全險細踏萊
泉失剩流縱未倚帆星宿海鵬風差不負清秋

臨淄莊佃戶丙辰之秋以冰災欠租至百五

十石盡爲豁除詩以志之

肩摩非復古臨淄市賤兼逢冰雨時量入尚愁常
稅減持籌真怪免租奇愚公谷口牛鳴晚畫邑城
邊雁羽遲自是鄉隣情較切馮驩不結孟嘗知

巖下山莊和念東先生

桃花流水杳難逢誰信仙源在此中種竹千竿名

士意栽桑百樹古人風題詩不到催租吏入定休
愁報曉鐘好借一丸封斷谷結廬常住兩三峯

清泉悔別恨如何畢竟誅茆得計多是岫巖巖皆
列闕無溪瀟瀟不鳴珂谷深露下猶黃葉山煖春
前已綠波水自有情迎送客南流豈盡爲漕河
尚平五嶽着先鞭有美西南選勝緣棋局多時愁
換世芑鞋盡日不逢仙人穿樹下從天下馬轉山
前度水前歸到萌齋清夢穩蘧蘧猶在碧雲邊

袁太母八袞壽詩 季廉宣四母

孝泉北注起瑤池長白山頭捧玉卮弧矢同年親
獨健帔冠此日壽何辭斟來歲酒般流合采罷霜
芝嶽影遲侍宴高堂煩致語弟兄束髮重袁絲孝廉

與余同年生
小余數日

鳳萱堂上紫雲橫蘭桂當階看已成膝下花封新
印綬春前雁塔舊詞名葭灰已動歌長至斗極初
臨注久生好祝寢門將進爵舞衣莫遣玉山傾廉

新考
縣令

贈李玉書 鄴園制府公子

到來列第見鳴鐘馬谷除遊大小峯鸚武良宵杯
影綠毼氍小隊燭花紅疆塲已靖宐開府茆土猶
懸待錫封最喜信陵能下士侯嬴市上轡從容

慶李樂三八十 為吉津先生令叔

皤皤老子壽顏舒賓客徵歌長至初桑落遠將開
甕酒冰條旋釣出凌魚已扶鳩杖先鄉國行聽鶴
笙下草廬家有燒梨當進爵鄴侯遠架奉仙書

贈李朗詣

儒生壯畧早譚兵豈為蒼生博祿名鵝鸛陣高三

疊法剛柔牌壓百重城凱歌歸後惟絲管冊府功
成見弟兄何日杖藜來岱嶽竹窓無事酒同傾

贈石震青術士

相逢此日復奚疑五十行年命可知磨蝎入宮生
已註計都何法禳能移屈平絮絮爲天問李廣囂
囂然數奇握粟常愁唐舉笑或應蔡澤亦庸兒

寄勞書升學憲

桃花如繡李花殷光岳樓邊絳節還玉署鴻文飛
驛騎旗亭麗句遍妖鬟家藏靈寶經傳世人號蓬

萊苑領班賜履何緣偏北海使君仙籍本勞山

邵九緘臨淄令

福星芒角照臨淄康節風流此一時丹碧多情韋
偃畫蒼黎有淚道州詩愚公谷口歌三異尚父城
邊秀兩岐春酒正濃人獻壽鋒車幾日名農師

邵方

製水車訓農
且善詩畫

龍山驛店題壁

開遍荷錢謝盡花清明節後筭年華菜畦剪剪翻
蝴蝶麥隴油油沒老鴉福地如齊今莫並歲星在

國古無譁太平更祝銷兵甲喜
詔先傳賦不加好秋頻過野人家
別喜旗亭鎮水涯偶爾盤殮因
看菊定緣賓客故栽花紫駟古道
金風晚黃犬平原獵興賒此去擬
登華不注明湖館外放仙槎

志壑堂詩集卷之四

載酒堂倡和集

載酒堂題壁

堂爲高念東先生別墅

不成籬落但栽花茅屋三楹枕水涯
柳浪館中摩詰畫虎丘亭下慧泉茶
溪山作主來爲客樵牧同遊誰是家
天地吾廬無住着蕭肱西竺見蓮華
鎮日陰陰水滿塘頽垣盡處接天光
樹根宜繫船三尺崖際還添柳百行
闌奕真成安石墅看花不讓午橋莊
頻來卻怪般陽路飛落金牛湖一方

再用載酒堂韻和房子明

偃仰詞壇筆夢花舞雩風不在天涯行厨畱客詩
爭席講鼓徵文社鬪茶安定學原爲士式會稽官
本近君家闌干旭日長吟罷指點彤雲奏國華
師友琴樽集野塘山城驚看列奎光花間氣壓蘭
陵味竹下班分玉笋行著作不離楊子宅蕭閒頻
過令公莊清齋案牘倘無事枕簟還來乞睡方

又用前韻

一水穿林復灌花廻塘遶屋浩無涯已開北牖涼

栽竹畧彷彿東吳款種茶坐謝綸扉高士第行隨鶴
鹿道人家莫談梓澤豪奢事旅鴈而今叫月華
急雨傾盆漲晚塘荷香平溜夜珠光風前客上枌
榆社水際人攬鷓鷯行留醉棋真忌幾局歸雲樹
不辨何莊莫嫌斗酒田家薄晏笑清平此一方

再和前韻

旋開淨土種蓮花穩泛鐵舟香水涯有佛肯容陶
令飲無經曾註趙州茶早投白社來青社憑當漁
家與酒家木槿從今休教種不堪夕隕更朝華

不論花塘與草塘風來一片貯山光
匏樽配可挑棋局斗笠寬
纔容樹行瓦枕黑甜眠
最穩蒲團泥塑坐何莊
楸枰聲急聞喧笑
倚角三方闢一方
麴車載道炫生花
水厄閒愁未有涯
桑落香於三白酒
松蘿苦讓六安茶
觀心白骨初爲學
埋爪青山暫作家
六逸不如沉醉後
幾人解轉妙蓮華
鷗鷺偷眼下銀塘
搖動天光與水光
酒可通融賢聖品
棋能暇整鸛鵝行
橫堤樹任交隣
圃曲岸泉聽過別莊
小出童肩無雜具
椰壺圓伴竹枰方

又用前韻漫興

秋半庭餘三兩花
金風獵獵響天涯
畱冬青樹防栽菊
服地黃湯切忌茶
一卷楞伽開士院
十分林麓野人家
英雄自昔多痴話
豈必金吾娶麗華
草深黃犢沒林塘
鑿壁昔時挹末光
一自青衿來殿閣
敢持白簡議班行
藏身梅市原名福
倚釣桐江舊姓莊
早歲不知更事少
老年始解笑剛方
弱冠曾看上苑花
蒯緱一劍客天涯
校書秘閣行頒札
燕喜宮筵坐賜茶
敢學抽簪驕謝事
生憐索

米夢還家故園十畝渾無恙回首承明澹物華
憶昔燕南水滿塘翩翩樽榼醉秋光三英館閣追
前輩萬壽宮墻綴末行豈謂階前諸玉樹翻成陸
氏一荒莊晨星搖落知誰在慚愧猶餘唐子方
昆吾夜夜吼霜花似恨樓船嘯海涯西塞已通泉
郡酒南征不貢幔亭茶猶驚鴻雁空開府未滅鯨
鯢漫作家天自艱難人自老燈前掩卷愧年華
明年林屋築橫塘塵榻高懸一鏡光遠購名花新
結子舊栽琪樹老成行干戈若定將蠲稅田賦初

增卻置莊準擬漁翁浮宅法畫橈簫鼓任無方
秋花經雨壓春花雨霽花畦沒兩涯籬外冬藤開
玉樹階前連殼長山茶大瓢菜圃原非夢長銜候
門舊有家應爲送窮防石隱擬將民瘼奏皇華
活計魚塘並藕塘釣竿喜不動星光雄心闕奕降
三舍老眼翻書困十行許碣謫猶投酒社旌陽飛
亦帶仙莊卻知絳節綠何事符籙經時滯下方
邗溝向日弔瓊花明月紅橋泊水涯載酒平山堂
看竹題詩芍藥院沽茶巾瓶一半投僧社寶瑟三

分住伎家誰道維揚兵燹後錦帆自古擅繁華
錦秋百頃藕花塘曾此方舟沂月光罨畫溪山旋
人詠歆斜醉墨不成行張燈夜過攀層社伐鼓頻
驚宿鷺莊常見水鷹船放食長竿學得捕魚方

又用前韻憶舊

寒漿彭湖打浪花石鐘湖口問津涯雨中樟鎮千
村橘園裏春浮百樹茶長荻人驚聞虎處小舟夜
繫飯牛家翠岩快閣方居士回首十年感鬢華

可大士與蕭
孟昉園林

濟南蕭寺放魚塘鐘磬欣狀對佛光禪院戒衣叅
首座畫船歌板喚當行東流水下題詩壁北渚亭
前賣酒莊拄杖逍遙經藥市親傳肘後數竒方

水濟南
酒肆也

江南親見荔奴花種稻畦村半渚涯玉版初叅禪
悅笋旗槍乍試絹封茶綸竿常住魚兒港盞飯普
分衲子家白鷺山前真不惡何人塵土夢東華
廬山瀑布散蓮塘細雨微雲逗日光白鹿洞開泉
幾疊黃厓風斲玉千行僧容似陣臨堂鉢竹色如

椽近寺莊三代威儀真在是至今斗笠憶諸方三

泉由白鹿洞金竹坪上卽是黃厓瀑布四十丈有太白海風吹不斷詩

再用前韻漫興

林下鋤禾復種花結茅巖際與湖涯年衰莫倚陰
陽酒胃濕平拋龍鳳茶白日已沉還問世青山何
在更謀家道人早證無生忍不轉風輪轉法華
買斷山溪占一塘披裘原不是嚴光花開二仲從
三徑鵲報雙魚寄八行王子謝啟可憐皆隔世朱
陳尚喜似同莊已甘草木同衰朽拜表無煩叩上

方

開遍秋棠謝盡花池痕淺露小山涯紗幘生棄蒲
葵扇毳帳好傾酪乳茶白玉樓邊終奉詔黃金市
上漫爲家東君徼幸歸來早險不空籬掃落華
一天星斗亂陂塘芒角渾添處士光敝帚不堪攀
鳳翼荆釵焉用貫魚行北堂手種三槐樹南宅新
成五柳莊過訪故人休絮問門前高揭勸人方
敢道人開智慧花閒情倒峽本無涯愁看竹葉純
傷酒夢聽松風誤煮茶不速寒蛩公入砌無辭社

燕浪還家斷腸草損秋棠價直作堂前蔓綠華
種樹橫陂並曲塘尚羊聊不負時光獨眠効似逢
岐伯險韻成如過太行病與山妻常異室貧同弱
弟已分莊而今確就林泉計晏坐真爲卻老方
溪邊築塢擬藏花溪外秋濤尚拍涯邀客聽泉兼
看竹乞人賭墅再畱茶葺門鎖鑰長逃世高閣蒲
團小出家十丈軟塵休入夢早時慚愧已清華
惠連發興在池塘內子前身亦孟光容我趺跏分
刻漏呼兒課讀筭書行詩惟六義存陶謝史自三

皇止定莊惱煞蠱魚如脉望食逢仙字不傳方
金烏不住怨飛花轉轂流光未有涯眼底霜嫩嘗
歲酒隔時櫻笋薦芽茶鶯兒出水還啼雨燕子回
巢更憶家弱草輕塵浮世事法王一笑墜空華
掃跡江湖濤石塘茅簷竹樹亂燈光炙笙玉笋調
鸞語移柱銀箏促鴈行晴日翻書臨洞壑暇時釀
酒過山莊太平齒髮千年健枉與懸弧志四方
遮遮蛺蝶下探花雙羽蹁躑掠水涯大似漆園人
伏枕來催紅蓼岸烹茶哥窰對竹添三友老圃當

門作兩家寄語東籬呼錦翅勤翻香夢繞霽華

山下橫橋壓半塘山腰野菊爛秋光草蟲播鼓搖

三弄雲鴈張芝篆幾行一帶白茅巖結屋數攢黃

葉樹園莊此間定有真仙住好扣丹臺乞効方

以事

過豹山

三生夢破笑拈花短梗何堪泛海涯世味酸涼如

市酒詩才蔬笋似僧茶難陀不忝真男子羅什何

緣累室家回首浮雲無一可禪天高會憶龍華

青錢不惜買陂塘來與隣翁負日光汲冢佚文商

缺字洛神舊刻榻殘行齒衰莫廢遊山屐裘敝原
存負郭莊莫是患貧無善策旌陽好賜點金方

載酒堂題壁詩房子明諸君取而和之已盈

卷帙一時賡倡又復雲興余見獵不禁前

後雜詠共得四十首曲終二律仍奉柬念

東先生

荷鋤商確四時花客至君其問水涯若肯流連須

命酒畧存風味但烹茶歸來笑語無三里亂後園

林祇一家每出奚囊成定例法華數卷與南華

蘓堤小樣繞迴塘徹底清如此性光亭榭築來緣
故土乾坤歸後事戎行寧辭綠野還初服不分青
山賣舊莊早晚騎驢煩一出篋中鈔法救時方

志壑堂詩集卷之五

思桐齋雜詠

廬山歸贈王冰壺

頻年蓑笠亦郎當妄憶仙人隱豫章山到匡廬真
奧衍水如彭蠡太汪洋經商過市愁牙儈比舍關
門畏駐防穀賤農貧官稅急恐聞執政費商量

遊青雲寺限韻

年來不唱飯牛歌曝背蒼崖意若何蠟屐青山勞
夢久支頤碧樹看雲多爲聽梵唄畱僧榻遠探鳴

泉問牧蓑明日不知千嶂裏寒流幾道掛煙蘿

寺僧惠酒

蘭若誰知是酒莊不妨檀度卽檀牀慈幢莫問蓮
花國十石葡萄臥古涼

再答十師

瞿曇但道本來無暢好金鋪借給孤不信肉邊清
供好請看六祖打圍圖

早入山探泉

疎樹晴嵐黃大痴微烘柳葉與鴉脂小春載酒尋

僧日又是新紅殘綠時

晉石與余弟涼武鐫詩石上

山房晏起日三竿鐵筆生花入夜闌回望丹崖畱
醉墨蚪文鑿破曉雲寒

宿漢思兄弟齋中

林巒深處卽仙莊湖海寧分上下牀曳杖月明歸
去晚一聲水調唱伊涼

壽張來之中丞

客同社燕舞翩翩人是蓬萊舊領班賜履自來專

九伯建牙特許占三山海洲火棗供丹藥帝闕燒
梨駐玉顏不爲上元天再旦戟門花雨遍鄉關

有感

也知塵海三生幻一日浮生且看花脫殼哀蟬寧
離樹回巢春燕更爲家金環自不辭羊祜做帽何
曾戀孟嘉便使花開蓮世界藕絲青莢正無涯

送焦石虹侍御服闋北上

三齊誰畫監門圖一拜君王早上書正供已蠲
私供急春苗半盡夏苗無救荒奇策空惆悵苞直

官衙未破除此去疏成畱栢府好從新綬縮金魚

九日登白嶽

竭來蒿里物皆齊倚瑟何如此杖藜桃菊誰家還
棘矢什碑昨日又沙堤花開錦樹鶯聲亂霜落寒
蕪鴈影低痛喝忽驚前世夢石龕海外憶丹梯

和畢

公孝
先

若教十斛洗純灰酒海誰能三萬杯醒後霞觴嫌
磊落歸來日觀怯崔嵬卜居白髮懷雲島娛老清
齋夢碧隈說道范公泉上路埜僧汲去長莓苔

和畢

公仲友

招提脫粟暫來同有限生涯梵唄中牛背驚人三世笛馬當誤客一帆風竹爐酒沸黃花老藜杖斜陽青史空不信長連牀上看鐘聲出定海天紅

和趙

兄古言

分韻得先字

漫到華峰問帝先纔離欲界卽禪天黃鶻莫向人間醉鶴背閒看九點煙

再題書堂

蕭寺曾爲銷夏灣杖藜坐斷水潺潺重來猶記懸

燈夜只似前生衲子還

和畢公載積

鳥道雙肩童子扶神臯北望一山無錦秋湖外雲

垂地怕是魚郎大小沽

和徐兄東癡

攬勝良朋會似雲祇應百里動星文譚棋刻燭渾

無寐便占秋光有幾分

和趙兄漢思

又贈徐東癡隱居

躋勝猶如年少時漫畱餘勇讓東癡三山風憶僊舟近五嶽遊應旅鴈知霜樹章章皆菊譜樵歌兩

兩是陶詩禪林擬向壺公問良日何勞坐奕棋

貧

讀殘貨殖傳何云四壁呼嚶酒半醺磨鏡業憐居
士賤織簾心許道人勤鶴謀肉食羞凡鳥竹灌腥
流污此君寄語空生應辟穀巖花豈有粟紛紛

青城董玉文年侄招飲畱宿有懷繡章年兄
杖藜蕭寺破苔痕握手鬢如見弟昆老大逢迎添
感慨深秋簾幕共清尊舊交開徑從羊仲古道登
牀訪鹿門借向廣川夫子問年來正誼與誰論

隣圃頻過

解學養生奈老何晚餐腹得百回摩籬花畦菜秋
原靜樹杪樓頭山翠多賣飯兒郎同巷出賽神鼓
吹隔牆過避人早已如逃債路上寧逢醉客呵

劉鍾宛學士祭告歸里

殷禮柔神翊帝圖侍臣叩命試雙鳧三台玉版
題丹篆六節鬻文護赤符傳檄方壺移海市燔柴
日觀聽嵩呼錦衣舊識新豐道一笑黃冠乞鑑湖

感懷五絕句

海鳥翻飛過近溪
晴川晴日碧巖西
漢陰已老心猶在
閱世何曾若木鷄
學癡不就漫遊仙
痛哭蘭膏祇自煎
策杖蘇門堪一嘯
嵇康枉著養生篇
尚平生死更何疑
半百蹉跎病不支
孺子應知橋下意
枯松頑石盡吾師
神仙動好說金砂
白日飛昇事亦誇
誰肯十年攜藥裹
黃精白茯苓如麻
伐毛換骨信還無
駭浪千層得一壺
曉轆三關通

鳥道分明經絡似
輿圖

同社會文次喜雨

舊農怨穀賤新農怨雨遲
帝意兩哀之雨及麥秋
時無稅長吏怒無穀婦子悲
馳告五湖長颶爾展
靈旗唧枚走無聲
竟夜得淋漓砌花拆
初甲簷桐引故枝
嬾僕不可策晨起
花自移而况貧山人
其樂寧可支隣肆
初煮酒將與友共之
吾友傷如焚久齋夜
祝釐涼颶自南來
請君侑一卮讀古梯
榮耳吾黨在絕學
夏木老陰合下帷
謝剝

豚庭有二三子鷄鳴紛陸陸濂洛相探討經史共
揚推道衰子思憂家貧顏子樂疏泉疏其原攻玉
攻其璞功利嗟已紛典刑嗟已邈狂瀾而東之五
鹿豈嶽嶽

贈笠雲閣主人並呈念東先生同歸孝儀賦

平山堂下古邗溝連甍臨水架朱樓記得放船花
十里蕪城不見使人愁般陽城笠雲閣瑣闕千山
雲萬壑青巖出郭樹蒼鬱紫驪嘶風石畧約主人
開閣坐胡牀高柳鬢髮冰雪涼梁園詞賦江南客

美酒十斛錦瑟傍畫橋長舫橫綠野歲歲年年醉
春社白雲行酒小蠻歌紫山捲幔斜陽下斜陽撲
座菱荷香舴艋新茶薜荔鄉紅牙按拍成潦倒蔚
藍天地入蒼茫江南無山北無水鑑湖一曲良堪
死丈夫老大不爲歡局促轅下胡爲耳我欲作歌
銘白髮片帆漫向維揚發雨歇但攜枕簟來莫復
中宵負明月常侍先生憶昔年酒帘新句遍妖鬟
借問山中金鑿落何如衙散錦連錢高閣使君雙
鬢青酒闌仔細聽銀箏一朝尺檄河陽道溪橋入

夢太愁生

宿石佛莊雨後早至水磨頭

涼颼微雨助詩魔
肘後金丹祛舊疴
翠袖已知南國艷
白雲無那北山多
爲看嵐色還停騎
欲聽荷聲且罷歌
試理綸竿成晚釣
磯頭兀對一閒蓑

自水磨頭過賈村

燭龍餘焰不成魔
纔報新晴已起疴
野坐每因嘉樹久
山行常愛石泉多
扣門青社寧無酒
走馬紅裙定有歌
何似谿頭田父好
綠陰驅犢荷輕蓑

西江卽事

連朝寒雨沒龍沙
晴日江城閱物華
橐橐長廊交屐齒
鱗鱗虛閣敞簷牙
圖書新購如佳士
枕簟閒欵似故家
白酒鯉魚非不醉
遊人久矣念歸槎

禪寺口號

瞿曇老子破袈裟
傳去傳來爛若麻
布衲七斤將過歲
板牀四脚漸成家
安單人似投林鳥
下水船如赴壑蛇
冬制不知爲夏制
法華拈着當南華

南昌送孫臥雲歸里兼訊安復旦

九仙石室題松處廬嶽諸峰得似無東武黃花猶
未晚西江白酒可曾沽路從淮海分三島人掛秋
帆尚五湖倘遇安期勞借問如何經歲少來書

寄懷張子礎同年

策杖寒原有所思廿年如夢玉堂時黃金誤世砂
難就白雪欺人鏡有絲宴坐三關荒晚課結遊五
嶽負前期何妨把臂赤松子來扣柴門共一卮

宿廬山看黃厓瀑布

五老峯前三疊泉十年誤信是開先臥龍未得窺

金竺白鹿誰能下玉川荒寺鼓鐘存晚課虛堂風
雨足宵眠五噫舊事歌原錯瀑布香爐總浪傳

無棣歸來畢載積刺史以朱魚見餽已蓄之

池矣詩以報之憶向時嘗以巢雲阿圖卷

索其芭蕉此案尙未結也

小菴痴望綠雲涼豈爲貪饒損墨莊憑去裝潢添
鄴架斷成灑掃臥匡牀按圖客自餘松竹題葉僧
原代縹緗已喜秦城不負約夜來先報贈魚秧
雨罷回看壁上梭閒庭抽卷碧如何秋來漫置藏

志登堂詩集 卷之五 九
經室夢破誰能得鹿多

贈韓有聲

杖屨相從十載餘，扣門此日宿村居。古今已讓陶彭澤，勝敗休論李左車。五柳重栽緣砌菊，百城獨擁滿牀書。年來閩海猶多事，抱膝閒吟閉草廬。

賀念東先生得仲孫

時清恙方起

喜報啼聲起晝眠，多應索杖碧梧前。安排伐鼓爲湯餅，檢點釀金置酒錢。小字定宜呼病已，官名預卜伴翁傳。雙珠卻詫添奇事，降日同兄但隔年。

王冰壺墓

墓門遙望鬱蒼蒼，磨鏡曾來薦一觴。雲壓浮圖松影綠，城臨翁仲豆花黃。緱山有恨吹笙別，湘浦難聞怨瑟長。正則不勞頻致問，玉樓筆札似人忙。

鄒平道上

祇合籃輿入翠微，蹉跎浮世尚依違。不材早歲偏通籍，善病高齋正掩扉。花塢管絃聽似水，禪關杖屨至如歸。六州鐵鑄難云錯，四十餘年事事非。尚平逸興亦良難，好事羣魔有百端。老至巾車鴉

鬢短計成蠟屐劇緜寒三湘綠向掌中出五嶽圖
來屋裏看乞得神仙縮地法雲山鄴架路漫漫

寄潘生

不堪薄俗日衰涼鄉事憑誰畧主張偶共釀金平
市價還同約社備荒糧客畱久坐嘗沾醞袖與空
函乞藥方更祝銀河翻甕盎再來喜雨醉秋光

寄李善人

樂善逢君共一甌農衣小像雪盈頭無官好禮官
同貴未儉餘糧儉不愁里黨解紛推祭酒社倉積

貯賴持籌老來脩行原多福膏壤秋耕更廣收

張素存太史見過

小山噴岫起方塘有客飛吟過草堂篋底弇州藏
史料杖頭雲嶽貯奚囊買舟趙口猶江國沽酒樓
桑近帝鄉無恙金焦竹樹夢十年情事一浮觴

趙韞退先生之任杭巖

驅歌青石關前路吳越諸侯負弩趨晴日雲帆雙
檣戟江鄉濁酒四腮鱸文成事業陽明洞白傅風
流聖瑞湖若上嚴陵聊借問故溪猶有釣竿無

王阮亭北上

二陸翩然昔入洛
士龍今日獨登車
梁園詞賦推司馬
漢相勲名重積儲
粉署爐香添畫戟
錦秋落日怨樵漁
不堪握別還惆悵
蔬食三年病倚廬

中秋放魚濟上

峭湖十里漾清波
林麓堪憐網罟多
綺席有人驕玉膽
錦鱗何計夢銀河
蓼花灘上驚香餌
阿耨池邊誦佛陀
莫道釜鬻無造化
請君回看壁間梭

濟上畱別朱野岩

湖上紅衣搖落時
閒亭竹樹寄芳卮
青門射策人皆老
碧嶽尋真事已遲
別岸蒹葭畱晚照
前溪簫管動離思
陽關入破聲聲慢
知共琴樽更有期

勞山看海市詩補賦

望日天涯碧玉隈
番轅嶺下化城開
五雲縹緲芙蓉島
百雉崔嵬烟火臺
人物安期應共住
市廛徐福舊同來
麗譙乍捲青巒出
指點諸峯首重回

山塘初成和念東先生見贈詩

山國豈能水竹全
滄洲夢到亦蕭然
三秋湖口烟

浮樹一葉湘雲浪拍天山就茂林遮屋角水添漁
舫繫窻前後來興廢偏能料梓澤丘墟與並傳
世間缺陷亦周全山郭渾如江國然志壑惟容青
箬笠酒堂穩號綠雲天千層波浪飛林杪十畝芙
渠盪席前寄到詩瓢堪勒石蘭亭或借右軍傳

擬登岱

天門一徑屐痕斜屈指同遊憶孟嘉玉女霓裳金
絡索道人漁鼓鐵琵琶霜林落葉聞清唳松雨寒
泉醉茗花此去須成十日住蒲團香板宿山家

池荷初植七月中始見一花

銀塘花事已披離辛苦長鬚報一枝翠玉故畱秋
水照紅衣却負艷陽知蟬如鳴沸高林早菊尚排
當香圃遲寄語花神須努力殷勤開過落梅時

送王汾濱西歸

一別鄉關路幾重誰云梵志有奇踪無端興與秋
風起不盡雲如歸思濃賣藥無人知舊宇觀心有
意看前峯到門可向中條臥莫娶山妻懊惱儂

卽事

焚香晏坐惜分陰
勘破浮名罷苦吟
榴摘繁花將結子
烏當晚哺早投林
誰能採藥畱神佩
且可聞釵證道心
未老壺山休自笑
寒岩枯木亦難尋

念東先生祭告過里門奉贈

采真舊夢破岩阿
柔櫓瀟湘木葉波
朱節渡江鼓吹緩
君山一點綠嗟峨
烟水逢迎路杳茫
歸衫猶帶畹蘭香
經年問訊無

他事世味何如道味長

澤國淒涼最可憐
人間行滿是神仙
壓湖舊說鬱林石
驛路今傳賑米船

仰天寺

結遊山塢宿問路
出林端嵐氣畱晴砦
民風曬柿乾
清泉當戶瀉
石磴入雲盤
木杪真愁絕
高潭回望難

遊仰天寺沿途遺物頗多戲作

遊裝潦倒稱人懷
路作拾遺記亦佳
才盡洞中畱

夾袋途長山下棄芒鞋寒潭孤館嚴陵寺破廟秋
風諸葛厓七箸已空樽俎罄先生歸去罷清齋

濟上歸念東先生贈詩見詢用韻奉答

野望披金風揮鋤當農隙遙想峭華間兩峰對蕭
瑟長歌策蹇來浩蕩城陰直彌勒卜同龕瓦枕板
扉窄佛火雜魚燈經唱鐘聲息夜聽水龍吟梵志
人非昔絃誦魯諸生紈袴兼黃馘鼓篋復三年上
書陳一得晨昏鎖院開雜沓佗壇側攜瓶復承筐
短褐容蔽膝或英如終軍請纓許報國或醇如江

都爛熳天人策踟躕號舍中伏首恣探贖往復雖
多賢黃冠逢奇客沽酒豐樂樓買卦君平室菜圃
水木交想見古阡陌估客集藩街列肆堆圖冊芙
蓉北渚亭一聽霓裳拍東流水館前困鱗鱗盈尺
湖墅與龍山幸無人堊壁釣泉江家池不聞黃鶴
跡蕭寺放生文專待燕許筆昨澤及禽魚道路傳
嘖嘖稷下凡幾年未見此功德礪碑紹先賢約社
起新則掩巖能幾何回首雲已黑小果雖偶成如
晞髮初櫛宿願久不償如妬衣弗漬努力須及時

匡坐感胸臆

八月二十三日夜雨

農家痴望隴頭雲一雨蕭蕭隔夜聞荆楚傳添江
上甲伊涼看罷殿前軍晚禾無望登三鬴秋麥猶
堪種十分更喜重陽消息近早開黃菊對斜曛

王汾濱歌

王子汾濱天下士少時骯髒有大志黃金不就去
學仙丹成惟遲仙籙至初讀曹溪六祖經悠然欲
了蒲團事朝散園中百日功那叱定裏千般異三

日氣弱不能言七日湧泉熱至臂崑崙火發大如
拳砉然一落如鐵熾乾坤融融躋春臺坐裏天門
生兩翅上弦之後下弦前霹靂一聲驚夢寐夜半
誰敲玉枕關三車騰倒人如醉瞥爾墜身火宅中
兀兀拚將七尺棄頂門一躍火如盆須臾身入清
涼地自此跣趺百日周聖胎凝結封玉匱只今銀
海炫金花小者如星大如彗出胎須問補鍋人何
時重返瑤京位邇來行道泰山東溽暑共走銀灣
避竹裏行觴一局棋林間拖杖五禽戲洞明大道

在無爲柱下千言無一字恍兮忽兮至道精誰肯
白日惺惺睡須揮慧劍斬羣魔若作聖解爲魔使
去矣星冠今不畱騎牛誰識函關出勗哉他日嗣
金蓮莫忘般陽人作記

偶感有作

慚愧龍泉夜夜鳴人間鯨浪可憐生青山暢好詢
無恙流水何能話不平搥鼓謬思春夢破寒蟬絮
與怒塘爭漁竿清磬年來事噎病從教廢鼎烹

賀孫景夏學博公子入泮

高歌一曲數峯青作賦天台舊有名二陸文章推
武庫五蓮山水號仙城郢中白雪千人廢市上黃
金萬馬驚家近費堂添故事小同傳業鄭康成
廟檜參天大十圍芝蘭繞砌更芳菲蘇湖教子人
皆識公穀傳經願不違祠下輪囷龍欲舞階前軒
翥鳳初飛曲江來歲題名罷宮柳殷勤伺黜衣
籬畔黃花吐艷時諸生次第進芳卮孫弘首對西
京策卜夏親傳東魯詩帳後絃歌應有報壁間絲
竹定無私橋門好養垂天翼明日稱觴自杖藜

再賀孫景夏

般陽城昔榛莽大成殿塵蛛網殿上文宣嗟盱蟹
有客司鐸釀白鏹昔日摧顏今華敞俎豆香傳青
檜林樞星門啓黃金榜東武城南山泱泱大山俯
小山仰翠削芙蓉君莫往恭王壁絲竹響由來公
道屬吾黨 國家懋功終懋賞青氈自是君家物
池上鳳毛看漸長田家酒滿甕盎我作歌君撫掌
飲君一爵君須強

聞禁馬

棧豆年來耗積儲五花爭許困鹽車騰驥定可供
鞭策欵段終愁欲廢除海上笠蓑原牧豕山中風
雪正騎驢青牛更屬神仙物掛角悠然讀道書

明湖館題壁和王太常子下韻

蘭橈點破萍花碧柳絲蘸水漁蓑濕湖氣欲沒夕
陽紅綠陰乍斷佛山出波心亭館陰芙蓉波間鷗
鷺相離卽拂塵醉讀故人詩華表鶴聲如有失
心太平菴硯歌爲通州守畢載積賦

狼山舊索陸研銘此債積逋十年久探奇偶過綽

然堂顧盼不覺詩思吼世間銀粉與吳鉤娥眉劍
客遇非偶車渠筆格渭南船珊瑚鐵網漁翁手鸛
鶴雙射碧龍吟喻糜憶對紅酥酒研理宜堅而勿
強研心貴澤而惡漚出水依然太平菴將母太平
乃不朽君身前是陸放翁幾劫復爲崇川守所以
獨喜務觀詩黑頭早作太平叟次律僧叅叔子環
三生澤畔還知否塵海百年堅此銘牙籤莫負平
心友我願硯池挂太山更祈硯杓酌北斗潑墨狂
呼賀太平心到羲皇我何有

志壑堂詩集卷之六

丁巳集

念東先生遊愚公谷余以事不果行有寄

昌國城東路棲遲久不過雨餘泉定出樹蔭鳥當
歌賭酒飛觥勝分枰妙筭多登樓誰與共詩壁舊
如何

曉起晨光內吟鞭旅思閒路分金嶺驛城對臥牛

山土人云牛山以形似臥牛得名放雀呼籠至畱童買藥還好從

人散後來聽水潺湲

愚谷山如昨亭旗獵獵張輕風青布蓋細雨紫駟
韁王蠋家何在劉伶墓久荒

山北一丘人呼爲劉伶墓

止愁聞

暮笛灑淚弔山陽

謂謝啟東

到巔真廣大小苦爲塵紛陌上嘶驕馬墻邊臥醉
人林陰歸晚市廟址坐斜曛若下東山飲應逢謝

右軍

謂言公也

向不渡乾時陳風一過之綠荷浮似鏡青杏繫如
棋雀鼠聲無怨萑苻獄不疑此行豈寂寞康節好
吟詩

畫城三畝宅聊可着羊裘何處濃陰合兼之曲澗

幽水春蘆荻岸山翠夕陽舟

擬買舟湖上不果

焉得來陶

謝與公賦遠遊

社事年年賽歡呼老稚趨旌幢供佛子藍縷翳桑
夫占地開商市分山列酒壚踏歌乞食者藏有謫
仙無

彰河衣帶水清不羨齊淵文仲臺前樹

臧臺在邑城北

吾碣下泉前王園浩蕩先哲宿留連直掛蒲帆去
湖雲唱采蓮

冰雹渾無賴左車計大奇狂來少女樹威起大風
祠恐負看花約頻詢歸騎遲東隣爲報道紅藥已
離披

已遣奚童去忽同銀鹿回相逢無別字俱道約啣
杯花事東隣好人從北海來數枝頻折贈芍藥定
新開

過東隣看芍藥

小巷柴門晝不開菜畦常護養青苔更無問字蒼
頭至但有啣泥紫燕來愛酒得兵如故友題詩已

醉任空杯千金欲葬名花塚柳絮狂飛亦築臺
剝啄頻詢開未開亂紅狼藉已蒼苔多情粉蝶晴
能至解事黃鸝晚不來興慶池思李暮笛頗黎酒
奉太真杯詞人去後無知己掩袂回歌銅雀臺
芍藥十分九已開遲人在杖點莓苔酒闌客去頻
題句花下年來數舉杯種竹無心勞客過池魚不
乞待秧來何妨與子如東老暇日西隣上小臺
維揚故事百枝開聞道名花剩碧苔林下美人誰
共語金衣公子尚遲來洛陽乍見姚黃本河朔空

志齋堂詩集 卷之六
三
傾袁紹杯座上低番猶有恨朝雲暮雨楚王臺

小齋偶成

負手間堦數笋芽短垣紅紫暈朝霞謝家羣從翁
孫竹楊氏諸姨姊妹花鬪蟻乍雷驚破陣分蜂長
日愛排衙不知林下吟哦久俯仰詞人愧八叉

西隣製棺犒工奉酒

何事丁丁伐木聲隔籬風送未分明酒酣擊鉢詩
難就興極呼盧采不成世上閒情銷畫閣老來心
緒寄佳城玉棺天降還應待濁醴牆頭奉一罍

贈房子明學博

時署事新城

蠟業般陽絳帳開鐸聲一半繞桓臺錦秋水濶蒲
菰遠夾谷壇高麋鹿來湖上種蓮應作賦山中叢
桂更多材知君到處爲招隱擊鉢文場共酒杯

傅彤臣侍御和雷笏山大令社燕詩題扇頭

見寄依韻奉答

時在濟南道上

春風春雨共招尋似向人間說斷金舊日閒巢雛
已占新年太歲戶空陰敬瑜詩賦同林鳥合德椒
房共命禽寄語紅襟諸侶伴棲遲海樹尚何心

志壑堂詩集 卷之六
竹塢松關逐隊尋何勞買賦枉千金啣泥花落春
常靜乳子簾垂晝日陰紫領相成占後報烏衣夢
破悟前禽何緣一卵流傳去遂啟商王問鼎心
舊厦淒涼一再尋草堂原不重黃金從來沐浴空
先祀自解經營避太陰入賀同堂皆喜雀當晴化
石亦靈禽釵頭春勝懷中夢剪剪常勞少婦心
斗酒芝山夢可尋黃梅雨歇樹頭金交飛鴻雁圃
沙浦並坐黃鸝話社陰零露乍歸遺玉壘雲車初
下會仙禽劉郎已去春風老莫動詩人感慨心

大藥芝胎何處尋繞梁一曲自歆金暫來哺母飛
簷際頻出將雛落屋陰曉鏡佳人窺繡領雕籠童
子怪鳴禽等閒百尺樓頭臥豪氣難除湖海心
危樓盼盼鎖千尋詩憶香山字字金細柳池塘音
上下釀花天氣舞晴陰縱歸海嶠仍傳舍不繞長
林伍衆禽一自有巢人去後茅簷畫棟揔無心
嬾嬾婷婷掌上尋嫣紅一捻步搖金高樓春色簾
櫳暮小院輕風竹樹陰禮近慈鴉爲孝鳥巧如鸚
鵡號文禽銀塘細雨歸來晚門掩黃昏離別心

濟南歸途卽事十六絕句

煙波一棹暑雲涼
檀板畱人唱李郎
南望佛山添晚翠
渡江聽罷正斜陽

翠玉田田未有花
恰宜簫鼓泛仙槎
重來湖上增佳話
北極臺前賣酒家

葉家亭子大橋西
畫舫移樽下碧谿
草草聽歌猶有恨
明湖館內不留題

化城小歇亦如家
向晚投村伴暮鴉
襪被蕭閒清况好
匡牀露井試新茶

下馬曾驚尺檄催
文宗舊署對湖開
如今老去渾忘卻
笑語諸生捲地來

青芻白飯下征羈
花竹閒亭風物宜
不爲當壚頻駐馬
來看舊館醉題詩

客路斜陽夏政苛
竹兜揮汗廢吟哦
捲簾倒坐君無笑
苦處回頭樂更多

駸駸倦馬望長林
揮扇難堪烈日侵
誰信泰山真作計
遲明千里散輕陰

河神愛寶老龍藏
網罟徒勞獵獵張
水店黃梁猶

未熟數錢橋上放魚秧

石榴亭下唱歌新太守風流慎莫嗔一葉小舟千
斛酒荷花開後待遊人

寄牛次月太守

迢遞長途有所思撩人水面羽差池投鞭繫馬頻
呼硯險韻歎成燕子詩

有約西來過別村歸途無那已黃昏幾時載酒明
泉外藕葉清溪繞寺門

詩懷原不厭茅茨旅館爲歡易酒卮白嶽小樓頻
下榻君看題壁墨淋漓

廿年銷夏共啣杯侍御閒亭長綠苔不信主人真
懶慢殷家泉上不曾來

火旗流焰奈愁何悵望清泉欲放歌一枕籃輿雖
臥穩亭亭老樹肯空過

拋殘書卷困難支經過溪山有夢知睡起寨帷如
倦鳥前驟林下候多時

百脉泉看荷花同念東先生

颯颯金風暑氣收漁村雖近未窮遊林巒勝地惟
明水荷芰連天似錦秋暇日不辭筇竹杖芳樽一

上木蘭舟行人莫唱江南好尚有殘花對白鷗
珠泉通海亦奇哉王屋虛傳濟水迴菱芡經秋盤
錦繡汝湖入夜嘯雲雷人愁朱夏同遊晚鷺雜紅
蓮並下猜借問長橋車馬客幾曾特爲看花來
箬帽單衫八月天竹兜水國意蕭然嘗憐澗壑無
賓主久約煙霞共往還黃稻風來花外寺青山雨
歇樹邊泉劍池孝水明湖館百脉各當第幾傳
淪茗憑欄一嘯呼人間驚見此泉無琅玕雨重臨
僧舍齒苔晴開照酒壚鳥下掠波憐翡翠人來顧

影鑑眉鬚濟南金線差相似一樣清噴萬斛珠

焦象九應試中州

機雲入洛興如何高唱驪駒響玉珂賦奏梁園飛
白雪詩成瓠子塞黃河中丞節鉞勲名舊太僕聲
華伯仲多宴罷鹿鳴微醉後甘棠還聽國人歌

又贈焦隆吉

時試期在重陽

渭城一闕酒微醒金粟初黃籬菊青道出嵩陽僧
面壁人過闕里聖傳經鎖闢正酌茱萸酒放曉空
登艮嶽亭早晚小春消息到榜花姓字報柴扃

又贈焦友蘭

清秋才子共遊梁三鳳翩翩下洛陽興到褰裳登
少室酒醕擊楫賦宣房英雄官渡城猶在俠客羸
門監已荒此日鄒枚同射策故園待上菊花觴

丁巳中秋十七夜方有月夜起小飲和念東

先生韻

雨伯停鸞絳節回諸天油幕一時開河山留影冰
輪外丹桂飄香壁月來地上歡呼珠離海世間悵
望蚌舍胎十分秋色還人在携酒招呼上小臺

夜起披衣顧影寒芭蕉滴露響琅玕桐陰籍地溜
璃界荷葉爲杯碧玉盤有客高眠真懶漫無人對
酌更清歡雞聲再唱猶難寐拚醉從嘲日幾竿
舊詩裁罷夢初圓行馬琅璫戶自開夜色蒼涼疑
世改河聲澎湃送秋來星精欲滴通仙宇金水堪
嘗立聖胎舉似旁人聊作笑人間誰信有瑤臺

飲窰頭莊勸公瑜種樹

魚藕池塘花竹居與公位置欲何如香來半頃風
兼雨雲覆千竿密復踈元白逢人應壓倒陶朱與

我亦乘除從今不避催租吏萬石輸君本緒餘
神仙不就不封侯閉戶聊爲八口謀暇日自携筇
竹杖清秋宐上採蓮舟開樽人進千鍾酒趺坐泉
通百道流欲問山翁門外事楸枰正戰且休休

飲明水橋上

十日滂霖幾日晴寒蛩得意似爭鳴坡陀橋影參
人影嗚咽泉聲雜笛聲粉黛新粧驕入座蘭亭舊
本列飛觥晚涼真覺秋原靜野火初明炤耦耕

